

PRINS Y PANCHO CARNAVAL 44..

"ELECCION DI PRINS Y PANCHO TA DEMASIADO TEMPRAN, MESTER HALE UN TIKI..

Fotos y Texto : Poets.

DEN AMBIENTE



**** Prins Mai y Pancho Pai bailando den e publico riba e ritmo di caha di orgel..**

** DEN AMBIENTE tabata tin e honor di a ricibi bishita di Prins y Pancho 1998 di Aruba su Carnaval 44, kendenan ta den persona di Rodney Tromp Prins Mai y Burthy Frans Pancho Pai. Nan a relata DEN AMBIENTE con nan a hiba nan preparacion, cual tabata cinco dia den un forma extensivo bao guia di e dinamico team Minchie, Alfredo y H. rhey.

R. ney Tromp actualmente ta sin trabao y a termina su estudio di LTS, mientras cu Burthy Frans ta trahando pa Mansur Freezone. Esaki tabata e prome biaha cu Rodney a participa den e eleccion di Prins y Pancho cual a resulta tambe den un triunfo, mientras cu Burthy a yega di sali Prins infantil na aña '93.

Durante nan presentacion tri-

unfante diadomingo ultimo den Centro Caiqueto, nan a presenta un tremendo show cultural cu baile di caha di orgel, chistenan di nos hendenan grandi y tambe e parti humoristico di eclipse solar a cay na agrado di un y tur, dunando nan asina merecidamente e yabinan pa dirigi Carnaval 44.

Pa loke ta trata nan preparacion pa nan ta bon representa durante e actividadnan carnavalesco, por bisa cu nan ta casi cla danki na e sponsernan cu te aworaki ta; Mansur Freezone, Marcelino Cardealer, Lings Restaurant y Krozendijk Flowershop.

Nan meta ta pa durante tur nan compromisonan, pa nan ta mas mihor representa, tanto den nan vestuario, chistenan y durante paradanan. Nan opin-



**** Aki, nan tabata conta e chistenan di nos hendenan grandi cu a pone tur hende hari..**

ion tocante e eleccion di Prins y Pancho cu aña pa aña ta perde interes, ta debi cu e eleccion ta demasiado tempran y cu SAC mester hale un tiki despues, pa asina duna espacio

pa e participantenan por haya mas chens pa ensaya. Tambe mester duna mas promocion pa motiva e participantenan. Nan ta kere cu un premio atractivo lo por ta un solucion pa haya

mas participante.

Nan ultimo palabranan tabata cu "Nos lo bay trese un dimension nobo durante Carnaval 44, djis check nos METER PA METER".

JOSEY KOCK REINA HUBENIL ROADMARCH 1996 A HACI UN BUNITA GESTO NA KINDERHUIS IMELDA HOFF.

** Sin duda algun tabata e bunita gesto cu Josey Kock a haci na e muchanan di Kinderhuis Imelda Hoff diahuebs ultimo, na unda el a regala e muchanan un bicicleta y tambe cinco disco compacto di e CD "Your Carnival Your Heineken", riba cual porcierto su roadmarch ganador "Tutu Jamming" ta aparece. E talentoso joven cantante a declara na DEN AMBIENTE cu e lo bay defende su titulo durante e Children Roadmarch Contest cu un roadmarch aregla pa Johnny Croes y compone pa Robert Maduro. DEN AMBIENTE ta felicita Josey Kock pa e bunita gesto cu el a haci na Kinderhuis Imelda Hoff y alaves desee tur clase di exito durante e Children Roadmarch Contest..



**** Reina Roadmarch Hubenil 1996/97 Josey Kock cu su tremendo "Tutu Jamming"..**



**** Fantastico tabata nan actuacion durante e parti di eclipse solar, cual a haci un impacto formal..**



**** Aki por aprecia e momento cu Josey Kock ta haci entrega di e bicicleta y cinco CD na e leidster Mirtha Leon pa e muchanan di Kinderhuis Imelda Hoff..**